



1988 թվականի դեկտեմբերի 7-ի ահեղ երկրաշարժը սարսեց Հայոց երկիրը, սասանեց շեն քաղաքներն ու գյուղերը, անտուն թողեց հարյուր հազարավորների: Բայց մարդկության խիղճը արթնացավ, միասնական օգնությունը անմախատեսելի չափեր ընդունեց և, բարեբախտաբար, տակավին շարունակվում է. վաղվա նորանոր ծծանդակության հույսերի ակնկալիքով նորից անդրադառնում ենք Մայր Աթոռիս պաշտոնական հաղորդագրության:

ՊԱՇՏՈՆԱԿԱՆ ՀԱՂՈՐԴԱԳՐՈՒԹԻՒՆ

Մայր Աթոռիս Գերագույն Հոգևոր Խորհուրդը իր 1989 թուի Փետրուարի 17-ի նիստում խոր գոհունակությամբ լսեց տեղեկատվությունը Վեհափառ Հայրապետի, ի մասին Նի-Շորքում կայացած համազգային խորհրդրդաժողովի, ընդ հովանեւու Ամենայն Հայոց Կաթողիկոսի և Մեծի Տանն Կիլիկիոյ Կաթողիկոսի, ի մասին Հիւսիսային և Հարաւային ամերիկահայության մասնակցութեան Ստեփանաւան քաղաքի վերաշինութեան:

Գերագույն Հոգևոր Խորհուրդը գնահատանքով արձանագրեց հետևեալ եզրակացութիւնները.

1. Միացեալ Նահանգաց, Կանադայի, Պրագիի և Արգենտինայի հայկական եկեղեցական, բարեգործական, մշակութային, քաղաքական և այլ հասարակական 26 կազմակերպութիւնները, որոնք մասնակցել էին Նի-Շորքի Փետրուարի 6-ի և 7-ի խորհրդաժողովին, յանձնառու են եղել և խոստացել հայթայթել՝ կրահատրանքը, սարքաւորումները, գործիքները և այլ անհրաժեշտ պիտույքները մի դպրոցի, մանկապարտեզի, հիւանդանոցի, առողջարանի, գործարանի կամ այլ հասարակական մի շէնքի, տունեալ շէնքերի կառուցումը ստանձնած լինելով հայրենի պետութիւնը իր միջոցներով, համաձայն ընդհանուր վերաշինութեան ծրագրերի: Խորհրդակցական ժողովին մասնակցող լման անհատ բարերարներ, Միացեալ Նահանգներից և Արգենտինայից յանձն առան կարևոր գումարներով մասնակցել վերաշինութեան գործին:

2. Յանձնառութիւն ստանձնած կազմակերպութիւնների լիազօրուած ներկայացուցիչները հրաւիրում են Հայաստան մարտ կամ ապրիլ ամսուայ ընթացքում, որպէսզի Սուրբ Էջմիածնի Մայր Աթոռի միջնորդութեամբ, ուղ-



ՎԵՀԱՓԱՌԻ ՀԱՅՐԱՊԵՏԸ ՄԱՅՐԹԵՐԵԶԱՅԻ ՀԵՏ
(27 մունիս 1989)

ղակի յարաբերության մէջ մտնեն պետական շինարարական յատուկ Յանձնաժողովի հետ և ճշտեն իրենց յանձնառության առարկան ու այդ մասին յատուկ արձանագրութիւն կազմուի փոխադարձ համաձայնութեամբ:

8. Պետական միջոցներով համապատասխան շինութիւնները պիտի կառուցուեն մէկ-երկու տարիների ընթացքում: Այդ միջոցին նուիրատու հայկական կազմակերպութիւնները իրենց հանգանակած գումարներով պիտի ապահովեն պատրաստութիւնը իրենց խոստացած պիտոյքների և սարքաւորումների՝ ըստ վերոհիշեալ արձանագրութեան ու պիտի կատարեն նրանց առաքումը դէպի Հայաստան յարմար ժամանակին:

4. Պիտոյքների և սարքաւորումների առաքման թուականը և կերպը կը ճշտուեն փոխադարձ համաձայնութեամբ:

5. Նուիրատու կազմակերպութեանց ներկայացուցիչները պիտի հրաւիրուեն Հայաստան, ներկայ լինելու իրենց պիտոյքների և սարքաւորումների տեղադրման, արդէն իսկ կառուցուած համապատասխան շէնքերի մէջ:

6. Նուիրատու կազմակերպութեանց յատուկ ուշադրութեանն ենք յանձնում, որ թէե հայրենի պետութիւնը համապատասխան շէնքերը պիտի կարողանայ կառուցել մէկ-երկու տարիների ընթացքում, սակայն ստիպողաբար անհրաժեշտ է, որ կազմակերպութեանց ներկայացուցիչները բարի լինեն անյապաղ Հայաստան այցի գալու, արձանագրութիւն կնքելու և յստակ կերպով ճշտելու իրենց նուիրաբերելիք պիտոյքները մանրամասնօրէն, որպէսզի հանգանակուած գումարները ամբողջապէս իրենց նպատակին ծառայեն կազմակերպուած ու կանխատեսուած կերպով:

7. Յուսով ենք որ մօտ ապագային Մայր Աթոռու կը կարողանայ մի երկրորդ հաղորդագրութեամբ, հանրութեան տեղեակ պահել առաջադրուած շինարարական ծրագրերի արդիւնքների մասին անհրաժեշտ ճշտումներով:

8. Ամենայն Հայոց Հայրապետը իր օրհնութիւնն է յղում բոլոր նուիրատու հայկական պատուարժան կազմակերպութիւններին և մեծահոգի անհատ բարերարներին:

ԴԻԻԱՆ ՄԱՅՐ ԱԹՈՐԻ

Ս. Էջմիածին,
27 Փետրուար 1989 թ.

